

湖山便覽



月
德
齋

光緒元年夏六月上
澣
槐陰堂王氏重刻



浙省清河坊
亦西齋售銷

重刻湖山樓覽序

維翰

自幼時即耳

飄齒湖

山水甲天下顧家僑荆東

相隔幾六七百里間又阻

以寇氛不克一游弱冠後

訖試事歸巷糶怡得寓目

序

一

所聞為嶮狀者久之篋中

舊存翟姓江湖必樓覽一

書較舊志文省事增論者

謂由湖諸紀載之冠曰日

展誦出以當夢游益不磨

展誦出以當夢游益不磨



於鶯華全盛之時置身白
蘇隄畔與向以名士羨人
此唱而一波蘇矣七八年來
區宇杖一磨氛盡滌湖山
亭閣漸復舊觀而翟氏以
書則版燬兵燹流傳絕少

序

二

遲以又久恐其如廣陵散
也因重為校定付以乎民
以公同好云死中夏六月
光緒紀元乙亥
杭州王維翰識



原序

蘇子曰浙之有西湖猶人之有眉目也其名著於天下久矣文人學士搜剔遐隱博攷載籍以標奇紀勝者自田氏游覽志而外不下數十家可謂夥矣晴江湖山便覽之作不綦贅乎是不然西湖之勝至今日而畢顯其遇至今日而獨隆自白太傅濬治築隄繼之者蘇文忠雖靈秀實天地所鍾毓然豈不以人重哉向使堙鬱于荒陬僻壤蛇龍居之草木蘩遏騷人遷客足跡所不至則羈雌離獸叫嗥躑躅於其間而已卽其奇怪幽阻不自掩抑或偶著於圖

原序

一

經必不能刻畫發露若斯之盛也夫騷人遷客流覽標舉尙足以明揚勝地而況遭逢

聖明幸之以

翠罕旌之以

璇題者哉西湖自唐宋以來雖已名甲天下然多壅塞不治我

聖祖仁皇帝六巡江浙築

行殿於孤山之麓輯玉帛而朝諸侯

皇上率

祖攸行三十年間

親巡者四

天章寶墨後先相輝映焉山川草木沐浴

雨膏吐華揚靈以答

宸顧譬之茅檐蔀屋莫不各有獻芹負曝之忱其與寂寞
寬閒徒見賞於騷人遷客者何如也古來巖穴栖遁之士
其聲名亦足以馳騫當時流光奕禩然其遭逢不偶或不
免潦落抑塞之憾豈若都俞一堂有明良喜起之樂哉湖
山之遇亦千載一時也或者謂金碧琳瑯非山林本色則

原序

二

是皋夔稷契遜於巢由務光非篤論矣西湖之奇勝遭際
既非若舊日比則推闡論述以發皇之者又豈特如田氏
諸志而已晴江之作烏可少哉且其書也較舊志文損而
事增其足以藻飾名區而見珍於士君子之探奇好古者
無疑也爰序而行之乾隆乙酉夏五月茶山友人錢維城
序

凡例

一專爲湖山撰述之書今行世者有田氏西湖游覽志李公西湖志田志總敘之外悉依塗徑蟬聯而及李志別水利等二十門於志體固以李志爲得而騷人冷客尋幽討勝之所取則以田志爲便是編徒以便人披覽爲指故仍倣田氏次路之例

一西湖入國朝來疏濬得宜膏波潤溢

翠華屢幸

宸藻分頒山輝川媚乃以超越前古今恭紀

湖山便覽凡例

行宮冠於編首附以湖山六井十景總敘都爲一卷題曰紀盛俾後之人游詠太平知

上德之所及者廣也

一凡峰屋亭宇祠廟寺塔

御題扁額隨地恭紀以昭盛概

御製詩文充耀湖岫炳爲明聖榮觀短書俗記僅供游歷挾持不敢褻載謹擬別繕鉅冊捧颺

一周氏武林舊事所述湖山勝概先南山次孤山次北山田志先孤山次南山次北山次吳山今孤山恭建

行宮愈宜首列而北山與孤山鄰近南山與吳山貫聯故

孤山下卽次以北山然後列南山以及吳山

一前志沿江諸蹟悉襍出于南山卷中仍之旣嫌叢襍闕之又恐罅漏今乃別爲一卷以與吳山路並列

終

一諸山阜交翔互伏綿亘不絕雖在南北兩山難以鑿指其眞界也今每卷分四五節每節或就舉一山爲主而以其附近諸蹟隸焉此特因便覽計擬其大略區別之

湖山便覽凡例

二

一每節以分隸諸蹟標一細目前後左右略爲疏析現今所存者大書古有今無者小注于下合覽者易于檢討序述之處不復詮釋存廢

一是編意在詳古略今凡唐宋故蹟雖小必登前志脫略者一一蒐補明季以來宦祠賓館墓堂僧舍之類非卓然著見及有關大計者概從其略

一宋元人杭州掌故詳博而現存者以潛氏臨安志爲最其次則都城紀勝四朝聞見錄夢梁錄武林舊事錢塘遺事等書今凡採證多先據此爲本而佐以諸

襍史別集碑記宋元未載者方及明人無根之說未敢攬入一字第以卷帙簡約不能盡出書目

一凡舊蹟流傳或地有變移或名有更易或記志未審或轉襲致訛加以釋老之徒假託藉重流俗之口增飾無稽所可確然不疑十僅五六今值舛謬顯然者刪棄不收小訛則隨文刊正或兼辨論以發明之

一藝文惟首卷錄文數篇餘以卷約置之文中有資攷證事寔一一摘入敘說詩于前賢名作外俱避前志已錄補所未收或值地偏蹟僻偶仍一二近人之作

湖山便覽凡例

三

惟未經前人涉筆者採之凡詩皆出原題

一李志補訂田志闕誤甚多而是編較李志又增目三百有奇事寔則增易幾半古人謂鑿荒難而遵塗易良不虛耳倘是編猶有遺漏及仍襲前譌所靳望于後之秉筆者

一是書板燬兵燹恐代遠人湮無從攷覈爰爲重刻以廣其傳其板樣大小及擡頭款式悉依翟氏原本不加改削

目錄

卷之一 紀盛

聖因寺

行宮

湖總敘

山總敘

六井

十景

卷之二 孤山路

湖山便覽目錄

白沙隄

斷橋

總宜園

秦樓

錦帶橋

平湖秋月亭

蓮池菴

吟香別業

學士溝

一

斷橋殘雪亭

凝碧園

垂露亭

望湖亭

嘉澤廟

陸宣公祠

處士橋

照膽臺

朱文公祠

西林橋

葉居仲宅

巢雲居

蘇小小墓

孤山

歲寒巖

四照閣

歲寒亭

後湖

林處士隱居

巢居閣

水亭

放鶴亭

梅亭

和靖墓

湖山便覽目錄

二

和靖祠

四賢祠

高菊磻墓

宋藏冰室

瑪瑙坡

瑪瑙寶勝院

西閣

高僧塔

閑泉

僕夫泉

快雪堂

報恩院

六一泉

東坡菴

數峰閣

廣化寺

辟支塔

柏堂

竹閣

僧錄房

金沙井

智果觀音院

參寥泉

四聖延祥觀

西太乙宮

涼堂

瀛嶼

小蓬萊閣

香月亭

挹翠堂

賈亭

楊公濟莊

易從山亭

董靜傳書樓

梅隱

水竹居

湖山便覽目錄

三

梅花嶼

大雅堂

孤山草堂

卷之三

孤山路

蘇公隄

映波橋

先賢堂

旌德觀

定香寺

定香橋

花港觀魚亭

鎖瀾橋

湖山堂

三賢堂

花塢

望山橋

花港

蘇隄春曉樓

懷山堂

壓隄橋

水仙王廟

薦菊亭

雪江講堂

崇真道院

圓通接待菴

東浦橋

松窗

跨虹橋

曲院風荷亭

烟水磯

西湖書院

崇文書院

秋水觀

湖山便覽目錄

四

梅花塢

陳侍御園

魏奄祠

竹素園

湖山神廟

裏湖

金沙港

趙公隄

麴院

杜叔謙宅

小隱園

天澤廟

資國院

宋庸齋墓

裴園

馬蝗橋

金沙隄

玉帶橋

關帝祠

楊公隄

裏六橋

外湖

湖心亭

湖心詩社

三塔

三潭

水心保寧寺

放生池

三潭印月亭

卷之四

北山路

湖山便覽目錄

五

錢塘門

九曲城

錢塘

秀邸園

史君新徑

上船亭

九曲法濟院

謝府園

玉蓮堂

南漪堂

菩提院

雙清樓

玉壺園

鏡閣

來鵲樓

白蓮堂

昭慶寺

戒壇

望湖樓

先得樓

錢塘尉司解

片石居

白公隄

下湖

石函橋

德生堂

水磨頭

姜石帚寓館

古柳林

雲洞園

桃花港

精進院

九連蕩

湖山便覽目錄

六

湧泉

羊坊橋

霍山

廣惠廟

慶忌塔

哇哇宕

靈衛廟

羊角埂

松木場

東西馬塍

梅莊園

菌閣

泥橋

西觀音山

宋試院

寶石山

壽星石

保叔塔

崇壽寺

學士軒

天然圖畫閣

寶峰樓

一勺泉

善住閣

看松臺

來鳳亭

寶勝院

黃子久別業

巾子峰

金輪梵天院

保稷山

屯霞石

秦皇纜船石

大佛寺

湖山便覽目錄

七

十三間樓

倚醉閣

多寶院

吾邱遺文塚

水月園

顯功廟

嘉澤廟

薦菊泉

具美園

飲綠亭

秀野園

孫花翁墓

葛嶺

上智果寺

壽星院

江湖偉觀

普安寺

陳文肅公墓

寶雲山

錦塢

寶雲寺

清軒

涵青精舍

治平寺

玉清宮

初陽臺

葛公丹井

葛仙墓

神光樓

井西丹房

隱真館

葛無懷居

瑪瑙講寺

後僕夫泉

半春園

湖山便覽目錄

八

竹西山居

樂壽堂

後樂園

養樂園

多寶閣

香月鄰

招賢寺

小輞川

惠獻貝子祠

寶嚴院

趙紫芝墓

虎頭巖

顯明院

洪忠宣祠

嘉德永壽寺

竹閣元關

施梅川墓

鳳林寺

快活園

卷之五

北山路

棲霞嶺

忠烈廟

項承恩書畫肆

張光弼墓

棲霞洞

紫雲洞

嬾雲窩

湖山便覽目錄

輔文侯墓

金鼓洞

黃龍洞

黃龍祠

六夢巖

仙姑山

耿家步

石板巷

廖葑洲園

流芳亭

仇山邨墓

烏石峰

妙智菴

雙桐菴

古劍關

九

白沙泉

埽帚塢

護國仁王寺

天龍洞

永安院

鮮于伯機故廬

張烈文侯祠

神仙宮

佛光福壽院

青枝塢

清澗寺

玉泉

玉泉龍王廟

明白紙局

洗心亭

細雨泉

晴雨軒

聖水池

普向院

鄭竹隱墓

鮑家田

南禪資福尼寺

秀野園

神霄雷院

靈峰禪寺

聽泉石

湖山便覽目錄

桃源嶺

宋濟王墓

普濟院

九里松

行春橋

小行春橋

雙峰插雲亭

宋步軍教場

嬉游園

忠勇廟

明真宮

錢氏書藏

斑衣園

青松居士宅

胭脂嶺

普福寺

圓覺天台教寺

朱行人祠

石獅子路

水竹塢

黑觀音堂

集慶講寺

月波亭

白樂橋

陳明府廟

香林園

朱墅

袁君亭

二寺門

靈隱山

漢會稽西部都尉治

漢錢塘縣治

湖山便覽目錄

十一

雲林寺

經幢

千佛閣

羅漢殿

直指堂

蓮峰堂

白雲菴

唐公祠

蘸筆池

歸雲菴

羅漢洞

西澗

西菴

紫竹林

松靄山房

响樓山房

靈鷲興聖寺

靈山海會閣

天香方丈

北高峰

北高峰塔

望海閣

巢栢鳴

韜光菴

韜光泉

金蓮池

呂真人祠

玉兔冢

石室

資巖山

石筍峰

白沙泉

普圓院

白衲菴

湖山便覽目錄

三

寧峰菴

龍門山

楊梅石門

石佛菴

吳寺團

永安精舍

栗山

石人嶺

宋吳宣靖王墓

時思薦福寺

無着塔

挾苓泉

卷之六 北山路

飛來峰

龍泓洞

丁翰之憩館

理公巖

射池洞

青林巖

青壁檻

丹厓

紫薇亭

石橋

臥犀泉

錢源

冷泉

暖泉

醴泉

西塢漾

冷泉亭

石門澗

連巖棧

伏龍棧

臥龍石

湖山便覽目錄

三

隱居堂

虛白亭

候仙亭

觀風亭

見山亭

壑雷亭

翠微亭

迴龍橋

春淙亭

合澗橋

白猿峰

呼猿峰

飯猿臺

聽奇亭

白閣

青蓮山房

醉石

下天竺

天竺山

法鏡寺

佛殿立石

煉丹井

七葉堂

西嶺草堂

蒼荀堂

金光明三昧堂

日觀菴

宋御書閣

宋御園

枕流亭

跳珠軒

簷篔軒

巖西山房

月桂峰

湖山便覽目錄

西

月桂亭

曲水亭

香林洞

神尼塔

再來泉

日月巖

夢謝亭

翻經臺

蓮花峰

三生石

玉女巖

中天竺

中竺寺

華嚴閣

天香閣

白衣觀音堂

如意泉

寶掌橋

永清塢

稽留峰

思真堂

葛塢

楓水塢

真觀塔

中印峰

水月池

上天竺

法喜寺

肅儀亭

經幢

多福院

復菴

白雲堂

湖山便覽目錄

五

十六觀堂

天仙樓

秋芳閣

雲漢閣

雙檜軒

謝屐亭

湖山佳處

竹雲樓

乳竇峰

白雲峰

雲液池

琴岡

烏石巖

雙檜峰

雲隱塢

幽淙嶺

郎當嶺

天門山

卷之七 南山路

湧金門

湧金樓

湖堂

迎光樓

柳洲寺

五龍王廟

環碧園

二賢祠

湖山便覽目錄

小瀛洲

集賢亭

清波門

聚景園

柳浪橋

定水院

鮑清風宅

周元公祠

依光堂

豐樂樓

杏花園

柳洲

柳洲亭

張子野舊廬

養魚莊

問水亭

夫

兩峰書院

學士橋

興福院

仙姥墩

周昭禮宅

靈芝寺

顯應觀

錢王祠

柳浪聞鶯亭

宋省馬院

長橋

飛仙里

水南半隱

南園

澄水閘

南屏山

慧日峰

南屏書院

南屏別墅

南屏吟社

淨慈寺

淨慈鐘樓

南屏晚鐘

萬工池

湖山便覽目錄

七

雙井

羅漢堂

宗鏡堂

慧日閣

天鏡樓

蓮花洞

居然亭

石佛洞

羅漢洞

獨秀石

宋望祭殿

高士塢

萬峰山房

雨花臺

叢玉軒

普度親菴

興教寺

金鯽池

小有天園

幽居洞

歡喜巖

琴臺

丹厓

摩厓石經

南山亭

雷峰

徐立之宅

雷峰塔

顯巖院

南軒

雷峰西照亭

吳越西關門

宋臨安府社稷壇

小昭慶寺

湖山便覽目錄

六

惠照寺

甘園

謝府新園

漪園

小蓬萊

上清宮

寓林

讀書林

南山小築

鶴渚

翠芳園

眞珠園

荷香亭

藕花居

淨相院

普寧院

方家峪

小南屏山

廣教院

吳越武肅王廟

烏龍井

西林法惠院

雪齋

張宣公祠

忠節祠

褒親崇壽寺

鳳凰泉

觀音洞

西蓮瑞相院

趙冀王園

華津洞

梯雲嶺

寧遠阡

水月寺

靈固石

湖山便覽目錄

九

卷之八 南山路

赤山

赤山步

浴鵠灣

宋造會紙局

李忠勇墓

玉岑山

南岑別業

玉岑詩社

惠因澗

鐵窗櫺洞

法雲寺

華嚴閣

廣果寺

宋試院

法雨寺

凝神菴

武狀元坊

宋赤山酒庫

筍箕泉

九曜山

太子灣

寶林寺

法因寺

發祥祠

廣法院

脩吉寺

石屋嶺

石屋洞

甘溪

大仁寺

齊樹樓

蝙蝠洞

湖山便覽目錄

辛

烟霞嶺

烟霞洞

清修寺

佛手巖

聯峰

水樂洞

水樂園亭

西關淨化院

點石菴

歸雲菴

石佛接待院

南高峰

南高峰塔

榮國寺

先照壇

最上菴

天池洞

潁川泉

留餘山居

聽泉亭

劉公泉

三台山

法相寺

法相山亭

定光菴

鏡花閣

大通寺

華嚴菴

旌功祠

大慈山

荆山沅

錢糧司嶺

湖山便覽目錄

三

甘露寺

屏風山

白鶴峰

大慈定慧寺

虎跑泉

滴翠軒

翠樾堂

樵歌嶺

崇先龔慶寺

眞珠泉

越王臺

兒門

卷之九 南山路

丁家山

丁家山亭

蕉石山房

大麥嶺

花家山

盧園

茅家埠

獨角門

觀音泉

醉白樓

小麥嶺

強幾聖墓

旌德顯慶寺

太清宮

梅坡園

靈隱觀

靈石山

靈石寺

靈石西菴

湖山便覽目錄

三

崇因報德院

薛太尉墓

積慶山

冰壑書堂

君子泉

放馬場

飲馬橋

栖霞院

吳越仰妃墓

章郁公墓

贊寧塔

棋盤山

金沙泉

崇恩演福寺

夕佳樓

淨林廣福院

暗竹園

無垢院

松聲樓

雞籠山

陳寺丞墓

金鐘峰

方山

白蓮院

玉鉤澗

登善菴

句曲外史墓

風篁嶺

龍井

龍井寺

過溪亭

龍泓澗

聽泉亭

神運石

湖山便覽目錄

重

一片雲

滌心沼

方圓菴

翠峰閣

龍王祠

茶坡

玉泓池

薩埵石

辨才塔

鉢池

小水樂

猿壁山房

石室

龍井山齋

老龍井

壽聖院

潮音堂

訥齋

閒堂

照閣

寂室

月林堂

新菴

沖泉

顯應廟

獅子峰

九溪

十八澗

褚祕書墓

梅園

南澗草堂

楊梅嶺

翁家山

楊梅塢

滿覺隴

湖山便覽目錄

吉

匏菴

冬花厂

理安山

理安寺

法雨泉

松巔閣

符夢閣

且住菴

澹社

涌泉菴

宏法塢

螺髻峰

八角峰

馬鞍山

保壽院

百丈塢

石壁山

五雲山

眞際

胡端敏墓

迴耀峰

雲棲寺

皇竹亭

天柱寺

卷之十 南山路

萬松嶺

湖山便覽目錄

敷文書院

振衣亭

留月臺

劉德初第

天章閣

報恩寺

茶坊嶺

郭公泉

鳳凰山

曲江草堂

雲棲塢

青龍泉

余知閣宅

洗心亭

壹

圭石

見湖亭

徐處士故廬

陳公實宅

富覽園

報先菴

惠明院

八蟠嶺

鳳門泉

柳浦

唐州治

虛白堂

東樓

高齋

清暉樓

因巖亭

西園

南亭

吳越國治

雙門

握髮殿

八會亭

天長樓

功臣堂

碧波亭

湖山便覽目錄

美

錢唐府亭

北宋州治

中和堂

清暑堂

吳亭

望越亭

清風亭

燕思閣

紅梅閣

隱秀齋

鳳唼堂

南宋行宮

宮城

文德殿

垂拱殿

崇政殿

延和殿

福寧殿

復古殿

損齋

選德殿

慈寧宮

坤寧殿

後苑

小西湖

澄碧殿

鍾美堂

翠寒堂

芙蓉閣

倚桂閣

披香閣

明遠樓

別是一家春

觀堂

天開圖畫臺

東宮

湖山便覽目錄

卷

學士院

報國寺

舞鳳軒

鳳麓菴

小仙林寺

三松軒

映壁菴

流盃亭

尊勝寺

望江亭

桐井

白塔

迴峰

洗馬池

般若寺

烏龍廟

興元寺

海鮮橋

中峰

望海亭

天峰孤嘯亭

郭公泉

崇聖塔

勝果寺

三佛石

松濤閣

崇聖院

月岩

月榭

排衙石

介亭

金星洞

蔡元長第

宋殿前司衙

梵天寺

釋迦舍利塔

湖山便覽目錄

元

靈鰻井

張居士隱居

雙鳳山居

鳳山書屋

光明寺

卷之十一 江干路

錢塘江

江潮

候潮門

捍海塘

鐵幢浦

疊雪樓

上輓路

貼沙河

廟子灣

昭貺廟

安濟亭

映江樓

樟亭驛

浙江亭

觀潮樓

江樓

映發亭

草閣

廣陵侯廟

浙江渡

包家山

冷水峪

壯觀園

福泉菴

山川壇

湖山便覽目錄

完

三一菴

宋嘉會門

宋車輅院

宋御馬院

象院

紅橋

美政橋

玉津園

宋藉田

鴻雁池

高禘壇

白塔嶺

龍山

石龍

龍居里

玉厨山

吳越文穆王墓

武功堂

表忠觀

玉虛觀

勝相寺

眞覺院

褚高士墓

鄭繼之寓居

育王山

慈雲嶺

登雲臺

江湖偉觀亭

永壽寺

吳越吳夫人墓

勳賢祠

太極亭

宋郊壇

淨明院

易安齋

湖山便覽目錄

手

天龍寺

天華寺

龍華寶乘院

司馬溫公祠

貫酸齋別業

龍山務

月輪山

南果園

開化寺

六和塔

金魚池

秀江亭

白賁亭

水軒

眞聖觀

靈泉廣福院

砂井

秦望山

羅刹石

龍山渡

定山

龍門

徐村嶺

羅昭諫墓

劉鄜王墓

范村

朱橋

楊村

壩山

風水洞

慈嚴院

界石院

浮山

湖山便覽目錄

三

漁浦

廟山

卷之十二 吳山路

吳山

城隍廟

承天靈應觀

天開圖畫閣

清暉亭

太虛樓

惠應廟

梓潼行祠

如此江山亭

吳山別業

火德廟

巫山十二峰

李隱君齋

強幾聖宅

李公略寓閣

有餘清軒

吳山元隱

方寸地

冷起敬隱居

泉石山房

保民坊

宋侍衛馬軍司衙

宋司農寺

寶月山

寶月寺

黑龍潭

天井

法惠寺

螺子峰

鐵冶嶺

宋侍衛步軍司衙

湖山便覽目錄

三

郭婆井

楊鐵厓讀書處

七寶山

大觀臺

坎卦壇

汪越公廟

七寶院

廣嚴院

櫻桃園

五臺宅

王明清寓居

寶山

清霞洞

龍神廟

寶奎寺

三茅盃壽觀

三仙閣

石龍泉

梅亭

寅賓亭

江湖一覽亭

鍾翠亭

通元觀

白鹿泉

開寶仁王寺

清平山

開元寺

定水寺

雲居山

雲居聖水寺

三佛泉

贊元亭

金地寺

瑞石山

湖山便覽目錄

重

紫陽洞

歸雲洞

望江樓

橐駝峰

紫陽菴

丁仙亭

瑞石山房

飛來石

月波池

雪風洞

涼雲洞

寶蓮山

金星洞

莫能名齋

閱古堂

青衣泉

重陽菴

寶成寺

瑞石泉

感花巖

宋太廟

紫陽別墅

伍公山

伍公廟

英衛閣

石佛院

宋都進奏院

海會寺

天明宮

東嶽中興觀

宋太史局

至德觀

有美堂

峨眉山

淺山

湖山便覽目錄

齋

水神廟

宋楊太后宅

宋左右驥驥院

宋七官宅

宋糧料院

竹園山

胥山坊

吳山井

長慶坊

忠義廟

百法寺

元妙觀

子午泉

普光菴

鎮海樓

灌肺嶺

宗陽宮

目錄終

平湖秋月



白堤

蓮池唐

孤山

景一



蘓隄春曉

景二

斷橋殘雪

景三





雷峰夕照

景四



南屏晚鐘

景五


曲院荷風

景六



花港觀魚





柳浪聞鶯

景八



三潭印月

景九

雙峯插雲

景十



湖山便覽卷一

仁和翟瀚同緝

杭州王維翰玉唐重訂

紀盛

聖因寺 康熙四十四年

聖祖仁皇帝省方幸浙居民欣忭愛戴恭建行宮於孤山

錦帶橋西為駐蹕之所南面聖湖東屏百雉全攬

湖山之勝

御題正殿額曰澄觀齋內一層曰涵清居進東曰西湖山房

更東曰攬勝齋後則因山疊石歷磴而上有泉泓然

湖山便覽卷一 聖因寺

題曰淳泉雍正五年欽奉

世宗憲皇帝諭旨卽其地虔供法王祝頌

聖德神功於萬世

欽定寺名為聖因

御書門額及澤永湖山額建萬歲樓恭奉

聖祖神御俾萬姓衣冠咸欽瞻仰龍幃曩赫凜然有

天威咫尺之義焉王之麟西湖望行宮恭紀柳色搖金
闕山光度玉珂子來成弗亟帝澤紀

游歌 此益恩波 睿藻雲霞絢名花雨露多千秋明聖水長

輦趨 湖波遙沂 行殿此日安禪憩上方嵐翠迴圍仙仗合
聖恩長人天共引朝元路帝釋宏開

選佛場不用蓬山羨兜
率龍宮原在水中央

行宮 乾隆十六年

皇上法

祖勤民親奉

皇太后鑾輿巡幸江浙 駐蹕西湖恭建 行宮於聖因寺

西適當孤山正中面臨明聖湖羣山拱衛規制天成

御題正殿額曰明湖福地進垂花門殿額曰月波雲岫後

為園自園徑拾級而登直達孤山之頂有亭巍然湖

光山色環繞輝映

湖山便覽卷一

行宮

二

御題曰四照亭亭下脩竹萬竿清陰茂密

御題曰竹涼處循曲徑而西喬柯奇石目不給賞雲氣時

起步屨間

御題曰綠雲徑南為步廊接崇樓樓俯全湖晴波綺縠搖

蕩几牖

御題曰瞰碧樓樓下文石為臺面臨曲沼有泉出崖石間

演清漾碧上挹天光

御題曰貯月泉泉側叢桂常青花時天香馥郁子纍纍如

瑤珠舊志所稱月中桂也

御題曰鷺香庭庭後傑閣連雲聳峙霄漢

御題曰領要閣啟扉而入高館崇閣中植玉蘭數本遠望

如瓊枝玉樹

御題曰玉蘭館館石山徑逶迤有石壁拱立

御題曰繡壁空青其上恭建

御碑亭敬摹

宸章雲漢昭回煥耀天宇數千年明聖之符實徵於今日

云沈德潛恭和 御製西湖行宮八景元韻 四
照亭 突兀最高頂空亭四望中全收湖影碧小

景送目總無窮 竹涼處 一徑萬竿綠人心到處

湖山便覽卷一

行宮

三

涼陰陰疑滴雨細細欲生香深處聞鳥語疎邊漏日

光可宜攜枕簟消受夏天長 綠雲徑 是徑皆添

蔓高陂蝕蘚紋閒行疑世外何處有囂紛 瞰碧樓

雲際置身高推窗俯素濤聊憑湖淥靜暫息

聖躬勞玩此鳧鷖樂長懷稽阮曹會心因得句

天子是詩豪 貯月泉 圓影入平池一泓恰受之

虛明兩無着蕩漾總相宜方寸靈臺湛高天宿霧披

鏡花同會悟坐玩故遲遲 鷺香庭 鷺嶺連蜨質

庭前樹樹芳秋高因起粟中美自能黃種豈從天下

花因迥露涼吾無隱乎爾悟得木犀香 領要閣

湖山獻奇巧一一難探窮領略會其要自得陶潛風

放眼迹象外游心空明中 聖人觀物妙寧與常

湖 鄮道元水經注錢塘縣南江側有明聖湖父老傳

舊館 不來為楣聞屈子應重楚中材

清睫 天藻發新裁月白花難辨香

人同 玉蘭館 壓樹堆殘雪 辛夷別種開 潮州傳

言湖有金牛古見之神化莫測湖取名焉源出武林山漢書地理志錢塘有武林山武林水所出也關駟十三州志云山出錢水東入于海酈氏謂今無此水張君房辨錢塘引十三州記言武林東西漢二水東曰龍源橫過靈隱寺前卽龍溪也西曰錢源其流洪大下山二里八十步過橫坑橋入于錢湖蓋錢源之聚溜也湖一名金牛一名明聖而錢湖乃其本名今城西第一門曰錢湖門可驗其實次北第二曰湧金門卽金牛出見之所也第三曰錢塘門蓋自前古以

湖山便覽卷一

湖

四

來居人築塘以備錢湖之水也劉淵林吳都賦注錢塘武林龍川出其坳可爲龍源龍溪之証太平寰宇記錢塘古泉亭有紫水如霞可爲錢源洪大之證然則錢塘云者特以備錢湖水通典引舊錢塘記謂漢議曹華信募人築塘能致一斛土者與錢一千故名錢塘其說虛矣自塘之築湖名遂亦增以塘字咸淳臨安志但云舊名錢塘湖不知尙有武林水錢水錢湖明聖湖金牛湖及龍川錢源諸名在矣西湖之稱始見于唐人別集吳志孫皓傳言皓爲烏程侯遣就

國西湖民景養相晤當大貴此當是別一西湖何也
西湖以在縣西得名漢魏時錢塘治在武林山下湖
未負其西不應預有此名也自唐以還湖名時復別
立長慶中白居易作石函以洩湖水由是有石函湖
之稱其水之東北輸者時人以為下湖由是有上湖
之稱宋天禧中王欽若請以全湖為放生所由是有
放生池之稱元祐中蘇軾築隄湖中截湖為二由是
有裏湖外湖之稱蘇有若把西湖北西子句由是有
西子湖之稱明孫一元本李白與尙書郎張謂泛沔

湖山便覽卷一

湖

五

川南湖因改郎官湖故事由是有高士湖之稱說者
以古樂府西陵松柏下為指錢塘西湖史達祖有船
向西陵佳處放句由是有西陵之稱西陵一作西冷
由是有西冷之稱以上諸名今惟以供詞人澀體之
用而世所通稱則羣謂之西湖焉耳蘇公守杭守潁
皆有西湖後謫惠州亦有西湖楊萬里嘗有詩云三
處西湖一色秋錢塘汝潁及羅浮東坡元是西湖長
不到羅浮那得休近王暉作西湖攷臚天下之以西
湖名者凡三十有一而求其山水之秀麗則未有如

杭者故杭之西湖特著稱焉舊志言西湖故與江通引酈氏水經注及駱賓王樓觀滄海日門對浙江潮楊巨源曾過靈隱江邊寺獨宿東樓看海門二詩爲據又言西湖大佛石爲秦皇纜船所湖本通海東至沙河塘向南一帶皆大江也故秦皇泛海艤舟于此田汝成西湖遊覽志謂其不然毛先舒尤力辨之云西湖南稍近江尙有慈雲萬松二大嶺隔之古必無相通理竊謂唐時詩人或卽眺望所及言之誠不得爲實據在秦時則難以遠斷也湖南重岡複嶺大段

湖山便覽卷一

湖

六

形勢不隨陵谷變遷在湖東則難以臆測也漢立縣治于靈隱山下豈舍平土而弗居哉華信築防海大塘去縣東只一里彼時縣東今縣西也故張氏以錢塘門爲漢人築塘備錢湖處則江海與湖至漢始隔秦皇纜船容有之矣隋時移縣築城胥山猶在江口湖之去江仍未甚遠唐白居易築隄捍湖見新唐書本傳今稱白公隄者乃其捍禦江水所也錢氏有國復于郡成東北築大小二堰隔絕江水不放入城見蘇軾請開湖狀在宗門外去湖僅二里許其旁

曰泛洋湖古江水泛溢地也自此東北十八里有詔
息湖水經注謂秦皇巡狩所憩然則江湖之通舊在
東北自詔息經泛洋至白公築堤處其蹟可歷歷識
詔息與纜船二事尤合符節未可竟斥前人爲無稽
也隋築杭城時居民猶苦鹵飲唐刺史李泌引湖水
入城爲六井易鹹爲甘民甚利之白居易築捍湖隄
作石函鍾洩其水溉田千頃自爲石記歲久浚治不
時湖或埋塞吳越錢王乃置撩湖兵士千人宋大中
祥符初郡守王濟增置斗門以白公舊記刻石天禧

湖山便覽卷一

湖

七

四年湖爲放生池禁民採捕姦豪乘之往往陰擁爲
利慶歷初守鄭戩發屬縣丁夫數萬盡闢豪族僧坊
所占仁宗嘉獎仍詔本郡歲治如戩法元祐時積葑
成田湖面堙塞過半守蘇軾上言湖之不可廢者五
取葑積湖以爲長隄募人種菱湖中歲入其利以備
脩治自是湖面大展紹興建都知府張澄請置廂軍
兵士委錢塘縣尉兼領其事專一浚湖其後若湯鵬
舉之增置板閘若周淙之禁止圍佃若張杓之遏抑
豪右若趙與憲之疏引水道若潛說友之脩葺隄岸

勤水利者歷世多有終宋之世湖無壅淤元代守令治湖者無人故元史河渠志不及西湖時民多鬪割湖址以爲桑田明初籍之遂起額稅向稱際山爲岸至是而去山甚遠矣景泰七年尙書孫原貞始建議脩築二閘繼是都御史劉敷御史吳元文等咸有題請而浮議蜂起有力者百計阻之成宏間郡守胡濬稍闢外湖布政使寧良創開水門御史謝秉中清理續占吳一貫脩築石堰前作後承漸見功緒正德三年郡守楊孟瑛銳情恢復力排羣議言于御史車梁

湖山便覽卷一

湖

八

上疏請之以爲西湖當開者五部議報可遂發帑役丁斥毀田蕩三千四百餘畝除豁額糧九百三十餘石有明開浚之功惟斯爲最嘉靖時禁侵占者有御史傅鳳翔龐尙鵬而豪奪陰占紛紛不息漸至砂磧築塞葑草彌望郡人陳善縣令沈匡濟雖先後建議疏通皆徒託諸空言而已

皇清肇興卽大興水利順治十一年六月

詔該督撫責地方官脩築隄防以時蓄洩西湖景象自此更

新康熙二十八年己巳

聖祖仁皇帝省方至浙駐蹕西湖

御製詩序諄諄以開湖漑田築隄瀦水爲務閱己卯癸未乙

酉丁亥之歲屢次

御舫
巡幸官民踴躍林舞恭先溶治西湖竝疏湧金門城河以達

聖恩汪濊至今與湖波沾沐靡涯

世宗憲皇帝特因西湖水利切繫民生

敕令工部查議行該省確勘具題總督覺羅滿保巡撫黃叔

琳請將從前民占田蕩四百四十餘畝依照舊址清

湖山便覽卷一

湖

九

出應徵糧米准其豁除淤淺沙灘三千一百二十餘
畝疏濬深潔以暢湖流舊隄坍塌之處卽將所挑沙
草幫築裏湖各橋建閘啟閉不使浮土再入湖內奉

旨允行乃令鹽驛副使王鈞經理其役工程銀四萬有奇王

鈞乞奏捐助四年工竣舊志稱湖周三十里至此清

查實存二十二里四分爲時稍久又有爲小民占作

田蕩竝淤淺成灘者二里有奇乾隆辛未

天子法行巡守大典臨幸西湖丁丑壬午

再幸舉凡利益生民之事無一不履

聖懷大沛恩澤咨悉仁和海寧一帶田畝必藉湖水灌溉
特諭守臣除已墾熟外不許再行侵占巡撫楊廷璋遵奉
文勘遂段清立標記以有碍水道之地蕩沙灘一里
有奇開它歸湖已成田者概溥

皇恩免其創廢按畝徵租歸歲脩項仍于湧金門一天山
長橋湖山神廟四岸立石永禁繪圖存案每冬令地
方官按圖勘驗由是惠澤滂敷下游農田仰藉充給
年穀順成民物殷阜湖山景色更覺粲然改觀士庶
歌咏太平優游化日咸謂有湖以來未有如今日之

湖山便覽卷一

湖

十

盛者也

白居易錢塘湖石記

錢塘湖一名上湖北

有石函南有篋凡放水溉田每減一寸溉十
五餘頃每一復時溉五十餘頃大抵此州春多雨秋
多旱若隄防如法蓄洩及時即瀕河千餘頃田無凶
年矣自錢塘至鹽官界應溉夾官河田須放湖水入
河從河入田准鹽鐵使舊法又須先量湖水深淺待
溉田畢即還本水尺寸往往旱甚即湖水不充今年
脩築湖隄高加數尺水亦隨加即不啻足矣脫或不
足即更決臨平湖添注官河又有餘矣俗云決放湖
水不利錢塘縣官多假他詞以惑刺史或云魚龍無
所托或云菱菱失其利且魚龍與生民之命孰急菱
菱與稻粱之利孰多斷可知矣又云放湖即郭內六
井無水亦妄也且湖底高井管低湖中又有泉數十
眼湖耗則泉湧雖盡竭湖水而泉用有餘況前後放
湖終不至竭而云井無水謬矣湖中有無稅田約十
數頃湖淺則田出湖深則田沒田戶多與所由計會
盜洩湖水以利私田其石函南篋并諸小篋非澆田
時並須封閉築塞數合巡檢小有漏洩罪責所由即

無盜洩之弊矣又若霖雨三日已上卽往往隄決須
所由巡守爲之預防其窺之南舊有缺岸若水暴漲
卽于缺岸洩之又不可減兼于石函內窺洩之防隄潰
也大約水去石函口一尺爲限過此須洩之子在郡
三年仍歲逢旱湖之利害盡究其由恐來者要知故
書于石欲讀者易曉故不文其言○蘇軾乞開杭州
西湖狀 杭之有西湖如人之有眉目蓋不可廢也
唐長慶中白居易爲刺史方是時湖溉田千餘頃及
錢氏有國置撩湖兵士千人日夜開浚自國初以來
稍廢不治水涸草生漸成葑田熙寧中臣通判本州
湖之葑合者蓋十二三耳而今十六七年之間遂堙
塞其半更二十年無西湖矣使杭無西湖如人去其
眉目豈復爲人乎臣愚無知竊謂西湖有不可廢者
五天禧中故相王欽若奏以西湖爲放生池禁捕魚
鳥爲人主祈福每歲四月八日郡人數萬會于湖上
所活毛羽鱗甲以百萬數皆西北向稽首仰祝萬壽
若一旦堙塞使蛟龍魚鼈同爲涸轍之鮒臣子坐觀
亦何心哉此西湖不可廢者一也杭之爲州本江海

湖山便覽卷一

湖

二

故地水泉鹹苦居民零落自李泌引湖水作六井然
後民足于水井邑日富今湖狹水淺六井漸濁若二
十年後盡爲葑田則舉城復飲鹹苦其勢必自耗散
此西湖不可廢者二也白居易作石函記云放水溉
田瀕湖千頃可無凶歲今雖不及千頃而下湖數十
里菱芰穀米所獲不貲此西湖不可廢者三也西湖
深闊則運河可取足于湖水若湖水不足則必取足
于江湖江湖所過泥沙渾濁一石五斗不出三歲輒
調兵夫十餘萬開濬士卒騷擾泥水狼藉爲居民大
患此西湖不可廢者四也天下官酒之盛未有如杭
者也歲課二十餘萬緡若湖漸淺狹水不應滿則當
勞人遠取山泉歲不下二十萬工此西湖不可廢者
五也臣輒已差官打量湖上葑田計二十五萬餘丈
度用夫二十餘萬工近者依蒙陛下以本路饑饉特
寬轉運司上供額斛五十餘萬石出糴常平米亦數
十萬石又特賜本路度牒三百而杭當得百道臣謹
以聖意增價召人中米減價出賣以濟飢民而增減
耗折之餘尙得錢米約共一萬餘貫石臣輒以此錢

募民開湖度可得十萬工自今四月二十八日興工而錢米有限所募未廣葑合之地尚有大半若來者不繼則前功復棄深可痛惜更得度牒百道一舉募民除去淨盡不復遺患矣陛下察臣五不可廢之狀利害較然特出聖斷別賜臣度牒一百道使臣得盡力畢志半年之間自見西湖復唐之舊環三千里際山爲岸則農民父老與羽毛鱗介同沐聖澤無窮已矣○林暉西湖豐樂樓賦以樓成湖上與眾同樂爲韻○十里掌平波頭截橫誠一時之佳致果不日而能成朝野無塵當與時而同樂湖山之雄壯三千巷陌舒情錢唐故地之豪奢臨安新府之雄壯三千巷陌兮叢花柳以競妬十萬人家兮列綺羅而矜尙笙歌極天下之選風物該人間之望流傳今古只誇兩浙之間多少繁華盡簇西湖之上踞虎盤龍橫寬駕虹平地聳蓬萊之島飛仙移紫府之宮紫綠楊于南北迷芳草于西東幸太平之日久宜行樂以民同碧天連水水連天魚在琉璃影裏畫閣映山山映閣雁橫錦障圖中珠簾半捲兮輝上下之闌干酒旗無力兮

湖山便覽卷一

湖

三

亞高低之樓閣落霞楚天空闊細雨楊園之淡泊謝履登臨陶巾落魄休誇隨鹿之游更任狎鷗之樂玉女巖金沙井依依鄴水之鳥烟霞洞瑪瑙坡隱隱楊州之鷓鴣末風收浪花捲毳梅鳴竹閣松亭柳洲池湧金于門外泉跳珠于湖頭碧落雲垂兮月照月長在不與歲以俱流翻思烟鎖洞庭輸漁樵之閑話月沉湘浦付羈旅以凝愁于是陪五陵年少之歡三島神仙之眾望樵嶺以富覽指蘭舟而目送葛仙舊坡兮綠池邊之草吳王故苑兮付樽前之夢雕闌巢昔日之燕畫棟彩當年之鳳佳人攜手望窮虎跑之泉故老傳杯遙認龍泓之洞山水如故星霜屢逾春風易老于長陌夕陽幾度于平湖勝賞難週佳期莫辜脆管繁絃奏樂府新聲之曲輕衫短帽醉高陽舊酒之徒其或鶯花癩兮蓼岸蘋洲露荷陰兮蘭汀蕙渚秋風桂子之興味臘雪梅花之情緒傷高懷遠兮幾時窮併朱顏而畱與○張祐早春錢唐湖晚眺兮落日下林坂撫襟睇前蹤輕澌流迴浦殘雪明高峰

仰視天宇曠俯登雲樹重聊當問真界昨夜西巒鐘
○白居易餘杭形勝餘杭形勝四方無州傍青山
縣枕湖邊郭荷花三十里拂城松樹一千株夢兒亭
古傳名謝教妓樓新道姓蘇獨有使君年太老風光
不稱白髭鬚○又春題湖上湖上春來似畫圖亂
峰圍繞水平鋪松排山面千重翠月點波心一顆珠
碧毯線頭抽早稻青羅帶展新蒲未能拋得杭州
去一半句畱是此湖○又湖上夜飲郭外迎人月
湖邊醒酒風誰畱使君飲紅燭在舟中○林逋湖上
初春偶作梅花開盡臘亦盡晴暖便如寒食天春
色半歸湖岸嫩烟幾處酒旗山影下細風時已弄繁
翠激欲生浮嫩烟幾處酒旗山影下細風時已弄繁
弦○又西湖混元神巧本無形匠出西湖作畫屏
春水淨于僧眼碧晚山濃似佛頭青纓粉堵搖魚
影蘭杜烟叢閣鷺翎往往鳴榔與橫笛斜風細雨不
堪聽○范仲淹憶西湖長憶西湖勝鑑湖春波千
頃碧如鋪吾皇不讓明皇美可賜疎狂賀老無○蘇
頌和哀弟游湖上諸寺

湖山便覽卷一

湖

三

唐舊縣剗十里湖光連北郭千尋巖翠遠南屏松間
幽徑迎冠蓋竹裏飛泉入戶庭勝境無因朝日到羨
他禪伯老林扃○蔡襄西湖湖上山光一抹青佛
宮高下巖巖扁煙收水曲開塵匣春送人家入畫屏
竹氣更清初霽雨梅英猶細欲殘星吳船越棹知何
處柳拂長隄月滿汀○蘇軾九月十五日觀月聽琴
西湖示坐客白露下秋草碧空捲微雲孤光為誰
來似為我與君水天浮四座河漢落酒樽使我冰雪
腸不受麴蘖薰尚恨琴有弦出魚亂湖文哀弦本舊
曲妙耳非昔聞良時失俯仰此見寧朝昏懸知一生
中道眼無由渾○又次韻曹子方運判雪中游西湖
詞源豔豔波頭展清唱一聲巖谷滿未容雪積句
先高豈獨湖開心自遠雲山已作歌巖淺山下碧流
清似眼尊前侑酒只新詩何異書魚餐蠹簡○又飲
湖上初晴後雨二首朝曦迎客宴重岡晚雨畱人
入醉鄉此意自佳君不會一杯當屬水仙王水光
澌灑晴方好山色空濛雨亦奇欲把西湖比西子淡
粧濃抹總相宜○又懷西湖寄晁美叔同年西湖

天下景游者無思賢深淺隨所得誰能識其全嗟我
本狂直早爲世所捐獨專山林樂付與寧非天三百
六十寺幽尋遂窮年所至得其妙心知口難傳至今
清夜夢耳目餘芳鮮君持使者節風采燦雲煙清流
與碧巘安肯爲君妍胡不屏騎從暫借僧榻眠續我
壁間詩清涼洗煩煎策杖無道路直造意所便應逢
古漁父葦間自黃綠問道若有得買魚勿論錢○陳
師道次韻蘇公西湖徒魚赤手取魚如拾塊布網
鳴榔收腹背豈知激濁與清流恐懼駢頭牽翠帶居
士仁心到魚鳥會有微生化餘繪畫容網目漏吞舟
誰能烹鮮作苛碎我亦江湖釣竿手誤逐輕車從下
瀨生當得意落鷗邊何用侯封墜鳶外不如此魚今
得所置身暗與神明會徑須作記戒鯨鯢防有任公
釣東海○姜特立湖光湖水浸坤軸湖光混太清
風來穀文起夜靜鏡奩平初訝琉璃軟還疑組練橫
微茫連澤國微灩蹙寒汀破碎翻千月泓澄印萬星
雨餘添點綴日射闕晶熒橋影虹垂澗松陰幕覆亭
魚跳全薦玉山臥半沉青小泛依吳榜長搖任楚萍

西湖便覽卷一

湖

西

齊排李白辭句引屈原醒暇日宜呼客平時好濯纓
吟哦萬景集未足稱詩情○釋道潛次韻吳承老觀
開西湖偉人謀議不求多事定紛紜自唯阿盡放
龜魚還淨淥百容蕭葦障前坡一朝美事誰爲記百
尺蒼崖尙可磨天上列星當亦喜月明時下浴晴波
○周紫芝冬至前九日湖水盡冰後二日晚晴小舟
循湖心而歸水已稍開書是日所見積雨凝宿陰
寒冰結湖背鷗鷺不敢前龜魚各潛晦敲冰得湖心
鼓棹作澎湃萬玉朝明堂丁東響環珮誰來貝闕中
小現銀色界夕陽似知人微溫散珠琲爲我開糝糊
遙山影空翠境勝不可名語惡聊自悔安得王右丞
萬象歸彩繪遙憐西子寒眉月增點綴○范成大次
韻韓无咎上巳泛湖休沐辰良不待晴徑稱問客
此閒行春衫欺雨任教冷病眼得山元自明抹黛濃
嵐圍坐晚揉藍新淥沒篙清栖鴉未到催歸去想被
東風笑薄情○陸游西湖春游靈隱前天竺後鬼
削神剎作崑岫冷泉亭中一樽酒一日可敵千年壽
清明後上巳前千紅百紫爭妖妍夔夔鼓聲陶場邊

鞦韆一蹴如登仙人生得意須年少白髮龍鍾空自
笑君不見鬻亭耐事故將軍醉尉怒訶如不聞○又
與兒輩泛舟游西湖一日間陰晴屢易逢着園林
卽款扉酌泉煮筍欲忘歸楊花正與人爭路鳩語還
催雨點衣古寺題名那復在後生識面自應稀驚心
六十餘年事雙塔依然翠微○楊萬里沈祕監招
游西湖蘇公隄遠柳生煙和靖園深竹映闌船入
芰荷香處去人從雲水窟中還似寒如暖清和在欲
雨翻晴頃刻間能爲蓬萊老仙伯一杯痛快吸湖山
○又泛舟賞荷四首小泛西湖六月船中人卽
水中仙外鋪雲錦千弓地中度琉璃百摺天城中
擔上買蓮房未抵西湖泛野航手拚荷花剝蓮子露
爲風味月爲香人間暑氣正如炊上了湖船便不
知湖上四時無不好就中景說藕花時游盡西湖
賞盡蓮玉壺落日泊樓船莫嫌此處荷花少剩展湖
光幾鏡天○樓鑰靈芝寺臨西湖倪正父尚書曰此
湖如賢者別久再見儼然如昨感其言而作舊說
西湖比西子君言西湖似賢士吁嗟契闊十五年一

湖山便覽卷一

且相逢祇如此南山北山兩高峰春波濺濺磨青銅
未能蕩槳窮勝處倚闌一望開心胸老我挂冠歸田
里豈知再見煙連水小須夏日醉滿荷脫屣東歸甘
已矣○又湖亭觀競渡涵虛歌舞擁艷君兩兩龍
舟來往頻聞月風光三月景二分煙水八分人錦標
贏得千人笑畫鼓敲殘一半春薄暮游船分散去尙
餘殘酒遶湖濱○高孝壽題臨安西湖朱簾白舫
亂湖光隔岸龍舟艤夕陽今日歡游復明日便將京
洛看錢唐○朱繼芳湖蕩雙槳入天影野葑綠全
交魚咬垂絲柳鷗眠折葉菱行人沿岸曲落日挂林
梢歸去嚴城隔僧門尙可敲○胡仲參雪晴泛湖回
雪後湖清淺合人心眼開林疎知寺近冰合碍舟回
寒色欺吟鬢斜陽入酒杯山行已清絕況復是尋梅
○湯仲友西湖山色湖光步步隨古今難畫亦難
詩水浮亭館花間出船載笙歌柳外移過眼年華如
去鳥惱人春色似游絲六橋幾見輪蹄換取樂莫辭
金屈卮○柴望西湖年柳眼青歸處門外游人
可自閑天氣又晴晴又雨樓臺依寺依山酒邊歌

拍穿花外船上簫聲落水間光景流連空自惜鷓鴣啼罷暮門闕○真山民西湖圖 兩袖春風一丈泥等閒闕破柳橋西雲開遠嶂碧千疊雨過落花紅半溪青旆有情邊我醉黃鸝無限為誰啼東城正在桃源外多少游人逐馬蹄○袁桷西湖空濛圖 舊隱湖山筆底收相從京洛意中游昏昏車馬飛花雨寂寂鐘魚落葉秋千古登臨翻昨夢百年歌舞漾清愁何當化鶴看滄海不用呼猿汲澗流○張翥春日泛湖春來渾不到湖邊偶逐東風上畫船花氣暖薰黃鳥岸水光晴展白鷗天綠楊與劇頻呼酒銀管聲高正撥弦我比放翁應更放看花不獨海棠頭○周伯琦初秋同楊國賢皎住伯堅暨僚屬泛湖游西山清商應候瑯涼颼滌炎敲蘭臺多暇佚西郊共消搖凌晨拂星露適與寧辭遙稼實豐黃雲擊壤喧鬢髻重密霏溼翠澄湖瑩冰綃朱華擁綠衣弄影酣且嬌菰蒲漾藻影柳槐咽殘蜩樓船泛中流雅會崇風標華謳振遠樹妙舞驚潛鱗雲虹駕文漪飛閣摩會霄登臨劇賞眺沿河屢停棹累觴互稱壽氣合笑語

湖山便覽卷一

七

篋微雲起天際疎雨鳴林梢異芳襲四座霧裏羣仙邀回頭擾擾中何啻萬仞超人聚合難沉際休明朝同班侍璧府畏冠聽雲韶茲游豈偶爾三生舊相招宛然在銀島孰謂非松喬羊謝素曠達李郭真英翹懽各灑灑歸途盡陶陶覽勝猶未徧尋盟更聯鑣○吾衍題馬虛中為黃尊師畫西湖煙雨 湖山秀絕錢唐西六麓截岸開雲霓瑤峰綵樹綺羅色執將煙雨看冥迷昔年繁華有如此金碧樓臺畫圖裏今來觀畫想當年一片生綃但煙水紫霞道士瓊樓仙樓眞養素元又元含毫染霧入幽思寫開十里玻璃天玻璃浮天漾天色倒影斜分雨雲墨元暉有意共蒼茫豈在西孃豔雕飾晴天散雨東風吹雨收已覺非當時他年攜此故山去松風洒瀑遙相思○楊維禎嬉春體三首 西子湖頭春色濃望湖樓下水連空柳條千樹僧眼碧桃花一株人面紅天氣渾如曲江節野客正似杜陵翁得錢沽酒勿復較如此好懷誰與同何處被花惱不徹嬉春最好是湖邊不須東家借騎里可自西津買躡船燕子繞林紅雨亂

鳥雛衝岸浪花圓段家橋頭猩色酒重典春衣沾十
千入山十里清涼國二百樓臺迤邐開岳王墳前
弔南渡隱君寺裏話西來接果黃猿呼一箇採花白
鹿走千迴風流文采湖山主坡白應須屬有才○張
憲湖上六言二首 綠蓋遮籠齒蒼碧瀾搖蕩鴛鴦
罨畫船中鼓板銷金鍋裏時光 紅杏牆頭粉蝶綠
揚窗外黃鸝何處春風最好踏青人在蘇隄○張昱
湖上漫興 爛熳風光在酒家狂蜂冶蝶趁繁華人
來人往如趨市樓上樓前盡屬花波面畫船雙蕩槳
隄邊黃犢小遊車目成肩語知何限銷盡柔魂在狹
邪○錢惟善正月十六日游湖上 東風杖履偶相
從試傍新隄覓舊踪花竹園池通一徑金銀樓閣倚
千峰林煙日午青先暝湖水天寒綠未濃賣酒樓頭
人似玉抱琴時復醉臨邛○馬臻西湖小隱 湖外
風輕釀薄寒柳陰當戶晝長關鷗羣不動水紋淡花
氣欲流春意閒我老尚餘詩強興遺愁翻被酒屏顏
笙歌日夜喧人耳擬卜亂雲深處山○張雨西湖放
燈 共泛蘭舟燈火鬧不知風露溼青冥如今地底

湖山便覽卷一

湖

七

休鋪錦此夕槎頭直挂星爛若金蓮分夜炬空于雲
母隔秋屏卻憐牛渚清狂甚苦欲然犀走百靈○凌
雲翰西湖漁者 家住錢唐西子湖釣竿幾度拂珊
瑚扁舟載月歸來晚不覺全身入畫圖○李東陽題
湖山春曉圖 湖船著水平無舵蓬上使篙蓬下坐
山光四面錦屏開橋影中天絲虹臥輕鴉拂樹還千
點老鶴叫空時一箇宴客遙將綺席隨遊人不惜青
鞋破江南風物今餘幾看畫題詩兩無那卻恐湖山
畫不如他年自買扁舟過○夏時西湖詩蓬 放棹
蘭汀杜若州有詩不用錦囊收儘教拋擲東風裏遊
水飛花處處流 詩成倚棹復頻吟棹觸風荷躍錦
鱗老去都忘擷芳意放歌何處採蓮人○鐫英湖上
花開 白鷗遙待酒船來芳草汀洲去復回為惜杏
花寒勒 溼雲遮斷好峰巒斗酒呼來且盡歡養鵬人
庭用 溼雲遮斷好峰巒斗酒呼來且盡歡養鵬人
家春水滿落梅天氣午風寒君醒陡覺衣裳薄我醉
寧知宇宙寬閑卻銀箏多少曲紅樓船上幾時彈○
沈周觀西湖百咏集感舊有作 白髮攤書似夢驚

某邱某水認題名袖中東海言非大紙上西湖眼更
明少覺舊游渾記得老關佳處尚思行青鞋布鞵猶
鮮健祇待花時計便成○唐寅題西湖釣艇圖三
十年來一釣竿幾曾叉手揖高官茅柴白酒蘆花被
明月西湖何處灘○係一元與石川子泛高士湖
我聞唐家李白一世賢郎官之湖至今傳我今與子
繼其蹟勝事豈容昔人專方冠野服與不減駕船載
酒凌蒼煙千山萬人兩岸如羣龍蜿蜒盡在几席前
青天落杯底白日行舟邊龜鼉突兀波面出大魚小
魚爭遊船君把斗酒我歌扣舷天風下來雲葉翩翩
爛醉騎鯨游崑崙巔○陳霆中秋偕客西湖玩月
早熟菱荷已半收湖光初轉月光浮水風吹面不知
醉山翠濕衣始覺秋驚鵲何堪如逐客跳魚時見入
虛舟夜闌更整蒼龍珮直欲凌風海外游○吳鼎芳
西湖夜泛 疎雨洗空翠來看湖上山斷橋芳柳外
小艇白鷗間月在美人遠春忙流水閑西陵猶喚酒
燈影出花關○馮夢正中秋日舉西湖社 佳辰正
秋半此地集蘭交冠蓋添新侶湖山次近郊主人扶

湖山便覽卷一

湖

六

大雅餘子足前茅莒國難辭賦尸人我亦庖才情終
避舍臭味或投膠史定占星聚元從解客嘲命舟依
月渚改席指雲巢綠借湖為釀香分桂作肴鷗鳧渺
沙際星斗襟林梢從此多良集詩筒處處消○李流
芳西湖有長年小許每以小舸載予往來湖中臨行
乞畫戲題 常在西湖煙水邊愛呼小艇破湖天今
朝畫出西冷路乞與長年作酒錢○湯煥湖上觀漁
燈 晚晴湖上翠煙生歷歷漁燈隔岸明風靜浪花
搖倒景夜深河漢帶高城驪龍出水光先射白鳥眠
沙夢不驚翻笑遠公投箸餌年來空有釣鼈名○宋
舉扈 蹕西湖紀事 平生慕西湖聞說便神旺吳
越咫尺耳七載勞悵望何意奉 宸游夙懷得一
暢朝出湧金門耳目忽清曠水滸葡萄山轟翳翠
障白蘇句畱處西子警允當追隨豹尾間未敢策筇
杖 聖情屢民依物外聊探訪 御墨灑湖亭
向陳入雲嶂 詔許侍從臣小憩就畫舫亭午獨
徘徊迢遞聞漁唱六橋宛沿綠兩峰屹相向指點從
山僧脫帽迴隄上瞻拜武穆墳酌酒發悲愴還過冷

泉亭兀坐茶烟颺奇峰直飛來驚歎莫能狀勝地難
久停歸趁湖波漲道人索題詩畱待後來賞殘陽挂
斷塔古色落穰榜薄暮
趨行宮劔珮依仙杖

山 漢書地理志錢唐縣下惟載武林一山武林卽靈

隱也水經注云浙江東徑靈隱山山在四山之中有
高厓洞穴山下有錢唐故縣蓋漢時縣治在此山下
山爲一縣主山故獨載焉吳越備史引郭璞地志云
天目山前兩乳長龍飛鳳舞到錢塘錢塘諸山皆祖
自天目而發脈于武林餘山復自武林分支此又漢
志獨載意也夏時正杭州府志以靈隱後山北高峯

湖山便覽卷一

山

九

爲武林邵重生本宋釋契嵩之意作武林山辨云武
林乃天竺靈隱諸峰之祖名東晉以後遞有靈隱天
竺飛來北高及蓮華月桂白雲乳竇楊梅龍門諸名
而武林反以無專指而晦夏氏以屬北高峰非也嗣
後志地家多從其說夏氏說固局而未廣然北高峯
旁之天門山實承天目遠脈而爲湖上南北兩山之
宗合漢書獨載之意不爲無見邵氏推而廣之轉覺
偏曲蓋由其說則漢志但有北山而無南山卽北山
近東之寶雲巨石諸山亦缺而未該矣田汝成遊覽

志云天目西去府治一百七十里蜿蜒東來若翔若舞萃于錢唐而峭峯于天竺從此而南而東則爲龍井爲大慈爲玉岑爲積慶爲南屏爲龍爲鳳爲吳皆謂之南山從此而北而東則爲靈隱爲仙姑爲履泰爲寶雲爲巨石皆謂之北山兩山之脈各分數道入城而南山外邏則自龍山沿江而東露骨于茅山艮山北山外邏自霍山繞湖墅衝武林門露骨于城內武林山皆其護沙也此雖不以論武林而武林山之全體必如是始爲能盡之耳唐元和郡縣志錢唐有

湖山便覽卷一

山

字

靈隱界石二山靈隱則武林矣界石今不復聞據陶翰垂潮至漁浦詩云樟亭忽已隱界峰未及覩釋皎然有界石守風望天竺靈隱二寺詩其山當江湖之間似卽今龍鳳諸山祖名綜而論之漢時凡錢唐之山統名武林六朝謂之靈隱唐以靈隱屬北路諸山別稱南路山爲界石五代兩宋漸有南屏玉岑大慈靈石龍鳳等名而界石以無專指而晦亦猶靈隱天竺諸名立而武林晦也諸山聯絡周匝疑結渾厚豁泉千道縷注爲湖若層萼之涵露若交龍之護珠山

影水光黛碧互映

聖祖仁皇帝五次巡方

今上先後幸浙又已三次

宸遊之宮

天章之亭璀璨照耀峰巒若增而益高岡阜若培而益大

山祇岳靈呈奇獻秀清淑之氣宣著發越一草一木

俱有欣欣向榮景色猶是山也而太平極盛之象非

前此之徒詡繁華者敢比擬矣林逋北山寫望 晚

非村路飄黃葉人家溼翠微樵當雲外見僧向水邊
歸一曲誰橫笛蒹葭白鳥飛○周紫芝晚行湖隄望

湖山便覽卷一

山

三

南山諸峰

曳履步遠壑挽衣支短筇霽色過急雨

餘霞漏微紅照眼一湖淨環湖幾山重不知何處燈

明滅蒼翠叢但聞烟霞間繞山鳴亂鐘暮年行樂意

不與足力窮明晨倘可達尚堪歷諸峰有幽固當探

無客誰與同餘子不足偕形往影自從言旋且當兩

興在何由終○楊萬里秋山 梧葉新黃柿葉紅更

兼烏柏與丹楓只言山色秋蕭索繡出西湖三四峰

○趙師秀再游北山 或行或坐水邊亭處處春風

戶不扇飛絮伴人衰鬢白遠山學我道衣青迢遞更

入烟霏去髣髴如會夢寐經恐是前生林處士晚年

不飲至今醒○釋紹嵩同周湛二上人游西湖山

山如濃翠擁高髻石壁巉然不可攀落日鳳城佳氣

合幻成一鳥畫圖間○楊載暮春游西湖北山 愁

耳偏工着雨聲好懷長恐負山行未辭花事駸駸盛

正喜湖光淡淡晴倦憩客猶勤訪寺幽棲吾欲厭歸

城綠疇桑麥盤櫻笋因憶離家卻歲更○高翥春日

北山二首 人緣白石泝清溪手剝蒼苔認舊題春

色滿山歸不去刺桐花裏畫眉啼 插花吹笛兩三

中桃李尊前日日同待得馬頭飛絮滿更來沽酒看
殘紅○丁鶴年湖山獨步圖 杖履湖山外悠然與
世違水邊延月上巖際待雲歸 隨鹿過樵徑看鷗到
釣磯只今瞻畫像猶想挹清輝○陳思濟西湖山
峩峩西湖山靈秀入空碧蘿陰轉累磴松色漬幽石
微霞生絕徑飛溜洒欹壁鶴鳴巖光動花落雲影拆
危椒登古壇百年此一息聲影混大荒不見興滅迹
剛風三天寒元氣萬里色悵望仙子期凝神撫元極
○姚綬自錢唐門抵浙江驛望西湖諸峰 不見湖
山已七年湖光山色兩依然青鞋自踏芙蓉露畫漿
誰衝翡翠烟目斷蘇隄新柳外僧歸竺國舊峰邊丁
寧春勿堂堂去有待重來醉管弦○陳仲完湖山佳
趣圖 微雨息市氛晴光溢水木暫輟童冠書少豁
林泉目峩峩南山峰影浸西湖淥嶺外號長松霞邊
起孤鷺荷香隱綵舟鳥鳴迓絲竹興並坡老游吟步
邁仙躡落日度寒鐘悠然自天竺○陸孟昭游西湖
諸山 山寺迢遙湖水東樓臺高出翠微中自慚投
社非陶令卻羨能詩有遠公花氣暖浮千嶂雨松聲

湖山便覽卷一

山

三

涼灑一闌風穿林怪底多
麋鹿十里平波碧草豐

六井 潛說友咸淳臨安志唐刺史李泌以郡城水泉
惡引湖水以便民汲開六井一曰相國井在甘泉坊
側一曰西井亦名化成井在安國羅漢寺前其水口
在李相國祠前一曰方井俗呼四眼井在三省激賞
酒庫西一曰小方井俗呼六眼井在錢唐門內裴府
前其水口在菩提寺前一曰白龜池其水不堪飲止
可防虞水口在玉蓮堂北一曰金牛井廢已上凡瀦
而汲者為井導而入者為水口六井皆在城內應皆

有導入之所而志載水口僅三白龜則壞為濁池金牛竟至全廢蓋李侯故蹟在此時已不能悉討矣繼李而治井者長慶時白居易既築隄捍湖復濬六井宋嘉祐中知州沈邁作南井于美俗坊以補金牛之缺人稱沈公井熙寧中知州陳襄重為濬治且遷方井少西蘇軾為倅詳記其事刻石相國井亭上及元祐中出守南井已壞乃更為規畫用瓦筒石槽以易竹管并他井皆致力焉乾道安撫周淙倣蘇遺法重修諸井時舊記已漫漶復襲石刻之且自為記附其

湖山便覽卷一

六井

三

後淳祐安撫趙與簾清理水口咸淳安撫潛說友修復石筍治井之事自此而止元明以來言水利者不聞復及于井 國朝承平日久休養生息仰水之眾倍于昔時而杭城隨處鑿井皆得甘泉蓋古者江與城近捍禦偶忽鹹水每每奔溢入城而民患斥鹵今

列聖相承江海効順

皇上復以塘工重務親巡海甸咨度精詳金堤百里隔越鹹水永不侵城是以輸匯得宜靈液湛溢晨烹夕漑人人飲和雖不屑屑于六井而井養自不窮也

蘇軾錢唐

六井記 潮水避錢唐而東擊西陵所從來遠矣沮
如斥鹵化為桑麻之區而久乃為城邑聚落凡今州
之平陸皆江之故地其水苦惡惟負山鑿井乃得甘
泉而所及不廣唐宰相李公長源始作六井引西湖
水以足民用後刺史白公樂天治湖浚井刻石湖上
至今賴之始長源六井其最大者在清湖中為相國
井其西為西井少西而北為金牛池又北而西附城
為方井為白龜池又北東至錢唐縣治之南而為小
方井而金牛之廢久矣嘉祐中太守沈公文通又于
六井之南絕河而東至美俗坊為南井出湧金門並
湖而北有水閘三注以石溝貫城而東者南井相國
方井之所從出也若西井則相國之派別者也而白
龜池小方井皆為匿溝湖底無所用閘此六井之大
略也熙寧五年秋太守陳公述古始至問民之所病
皆曰六井不治民不給于水公曰嘻甚矣吾在此可
使民求水而不得乎乃命僧仲文于珪凡出力以佐
官者二十餘人于是發溝易磬完輯罅漏而相國之
水大至以方井為近于濁惡而遷之少西不能五步

湖山便覽卷一

六井

雷

而得其故基疏湧金池為上中下使潄衣浴馬不及
于土池而列二閘于門外其一赴三池而決之河其
一納之石檻比竹為五管以出之並河而東絕三橋
以入于石溝注于南井水之所從來高而南井常厭
水矣凡為子閘四皆垣牆局鑄以護之明年春六井
畢修而歲適大旱是時汲者皆誦佛以祝公余以為
水者人之所甚急而旱至于井竭非歲所常有也以
其不常有而忽其所甚急此天下之通患也豈獨水
哉故詳其語以告後之人使雖
至于久遠廢壞而猶有考也

十景

祝穆方輿勝覽云西湖山川秀發四時畫舫遊

遊歌鼓之聲不絕好事者嘗命十題有曰平湖秋月

蘇堤春曉斷橋殘雪雷峰落照南屏晚鐘翹院荷風

花港觀魚柳浪聞鶯三潭印月兩峰插雲此西湖十

景見于地志之始考凡四字景目例起畫家景皆先
畫而後命意祝穆與馬遠僧若芬同爲宋寧宗時人
遠嘗有水墨西湖十景冊畫不滿幅人稱馬一角見
南宋畫苑錄若芬畫之傳世者有西湖景圖十見繪
事備攷祝氏所載或因遠與若芬畫冊言之非謂西
湖之勝盡此而無遺也嗣是錢唐陳清波馬麟輩又
爲十景寫圖同時王洵題以十詩陳允平題十詞十
景之目遂以傳稱至今祝氏以平湖秋月爲首夏時
湖山勝概記稱平湖秋水又二人皆以雷峰西照爲

湖山便覽卷一

十景

畫

落照程希堯文園漫語則稱雷壇夕照班惟志題馬
麟畫冊以雙峰插雲爲兩峰插漢毛良無聲詩爲兩
峰出雲又以斷橋殘雪爲孤山梅雪康熙二十八年
聖祖仁皇帝親灑宸翰改正參錯有司勒石建亭萬目瞻仰
十景之定次定名垂千古而無易矣元末又嘗有錢
唐十景見高得暘凌雲翰兩詩集及郎瑛七修類稿
目曰六橋烟柳九里雲松靈石樵歌冷泉猿嘯葛嶺
朝暎西湖夜月孤山霽雪兩峰白雲北關夜市浙江
秋濤西湖本名錢唐湖錢唐云者亦猶云西湖也雍

正間總督李衛濬治兩湖繕修勝蹟復增西湖一十
八景曰湖山春社功德崇坊玉帶晴虹海霞西爽
梅林歸鶴魚沼秋蓉蓮池松舍寶石鳳亭亭灣騎射
蕉石鳴琴玉泉魚躍鳳嶺松濤湖心平眺吳山大觀
天竺香市雲棲梵徑韜光觀海西溪探梅今蒙

聖駕屢幸湖山之靈爭妍競秀名區勝境更有不止于是

者已
王洵湖山十景 蘇隄春曉 孤山落月趁疏鐘畫舫參差柳岸風鶯夢初醒人未起金鴉飛上五雲東 斷橋殘雪 望湖亭外半青山跨水修梁影亦寒待泮痕邊分草綠鶴驚碎玉啄闌干雷峰夕照 塔影初收日色昏隔牆人語近甘園南山游徧分歸路半入錢唐半暗門 麴院荷風 避暑

湖山便覽卷一

十景

美

人歸自冷泉步頭雲錦晚涼天愛渠香陣隨人遠行
過高橋方買船 平湖秋月 萬頃寒光一夕鋪冰
輪行處片雲無驚峰遙度西風冷桂子紛紛玉壺
柳浪聞鶯 如簧巧囀最高枝弱柳新纒萬縷絲
翠鳳不來春又老聲聲訴與落花知 花港觀魚
斷汶惟餘舊姓傳倚闌投餌說當年沙鷗曾見園興
廢近日游人又玉泉 南屏晚鐘 凍水崖碑半綠
苔春游誰向此中來晚烟深處蒲牢響僧自城中應
供回 三潭印月 塔邊分占宿湖船寶鑑開奩水
接天橫笛吹雲何處起波心驚覺老龍眠 兩峰插
雲 浮屠對立磽崔嵬積翠浮空霽靄迷試向鳳凰
山一望南高天近北烟低

湖山便覽卷一